



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration

Broj: 01-04-1502-1/20
Sarajevo, 06.08.2020. godine

SKUPŠTINA KANTONA SARAJEVO
n/r Dr. Mirza Čelik, Predsjedavajući Skupštine
- o v d j e -

PREDMET: Odgovor na zastupničko pitanje, *dostavlja se;* -

V E Z A: Vaš akt broj: 01-04-27823-66/20 od 06.08.2020. godine

Dana 06.08.2020. godine Kantonalna uprava civilne zaštite Kantona Sarajevo zaprimila je od strane Skupštine Kantona Sarajevo zastupničko pitanje zastupnice Danijele Kristić sa 27. Radne sjednice Skupštine Kantona Sarajevo održane dana 28.07.2020. godine, a u okviru tačke Dnevnog reda "Poslanička/zastupnička pitanja, inicijative i odgovori", u skladu sa Poslovníkom Skupštine Kantona Sarajevo.

Zastupničko pitanje glasi:

„Da li se oprema tj. pregrade koje su korištene na Građevinskom fakultetu mogu iskoristiti za novi izolatorij?

Ukoliko se mogu iskoristiti zašto se čeka zadnji momenat da bi se obezbjedio novi prostor u kome bi se iste postavile?

ODGOVOR:

Dana 28.05.2020. godine Vlada Kantona je na svojoj 17. sjednici održanoj 28.05.2020. godine donijela Zaključak, broj: 02-04-13850-48.1/20, kojim je u tački 1. vratila dio objekta u kojem je trenutno smješten Građevinski fakultet Univerziteta u Sarajevu, dat za privremeno korištenje Kliničkom centru Univerziteta u Sarajevu za potrebe eventualnog zbrinjavanja pacijenata zaraženih koronavirusom, ustupljen na inicijativu Ministarstva za obrazovanje, nauku i mlade Kantona Sarajevo, a uz saglasnost Ministarstva zdravstva Kantona Sarajevo. Tačkom 2. navedenog Zaključka Vlada Kantona Sarajevo je zadužila Štab civilne zaštite Kantona Sarajevo da u saradnji sa Stručnom službom za zajedničke poslove Kantona Sarajevo dio navedenog objekta dat na privremeno korištenje Kliničkom centru Univerziteta u Sarajevu vrati u prvobitno stanje krajnjem korisniku, Građevinskom fakultetu Univerziteta u Sarajevu.



S tim u vezi, Stručna služba za zajedničke poslove Kantona Sarajevo je u saradnji sa Kantonalnom upravom civilne zaštite Kantona Sarajevo izvršila pregled objekta Građevinskog fakulteta Univerziteta u Sarajevu.

Nadalje, dana 10.06.2020. godine, Stručna služba za zajedničke poslove Kantona Sarajevo je uputila dopis Građevinskom fakultetu Univerziteta u Sarajevu u kojem izražavaju spremnost da u roku od 24 sata otpočinu sa uklanjanjem navedenih pregrada, nakon što dobiju odgovor od strane Građevinskog fakulteta Univerziteta u Sarajevu da je pitanje vlasništva ugrađene stolarije i pregrada riješeno.

Shodno navedenom, ističemo da Kantonalna uprava civilne zaštite Kantona Sarajevo kao ni Štab civilne zaštite Kantona Sarajevo nisu vršili demontažu izolatorija, odnosno uklanjanje pregrada, te Vas molimo da se o daljnjim radnjama koje se odnose na uklanjanje pregrada i mogućnost korištenja istih za novi izolatorij, obratite Stručnoj službi za zajedničke poslove Kantona Sarajevo, kao i Građevinskom fakultetu Univerziteta u Sarajevu, koji Vam mogu dati potpunu i detaljnu informaciju.

S poštovanjem,

Dostavljeno:

- Naslovu
- a/a

